



Avaliación ambiental estratéxica de delimitacións de solo de núcleo rural

Lexislación de referencia

- Lei 21/2013, do 9 de decembro, de avaliación ambiental (LSG)
- Lei 2/2016, do 10 de febreiro, do solo de Galicia (LSG)
- Decreto 143/2016, do 22 de setembro, polo que se aproba o Regulamento da Lei 2/2016, do 10 de febreiro, do solo de Galicia (RLSG)
- Orde do 10 de outubro de 2019 de aprobación das Normas técnicas de planeamento urbanístico de Galicia
- Lei 9/2021, do 25 de febreiro, de simplificación administrativa e de apoio á reactivación económica de Galicia

Ámbito de aplicación

- (Artigo 78.1 da LSG) Os municipios sen planeamento xeral poderán delimitar o solo dos núcleos rurais existentes, logo da aprobación do correspondente expediente de delimitación, no que se acreditará o cumprimento dos requisitos establecidos no artigo 23 e se incluírán as determinacións previstas no artigo 55 desta lei.
- (Artigo 83.6 da LSG) No caso das modificacións do planeamento xeral que teñan por obxecto a delimitación do solo de núcleo rural de acordo co establecido no artigo 23, tramitaranse seguindo o procedemento establecido no artigo 78 desta lei.
- (Artigo 200.6 do RLSG) O mesmo procedemento será de aplicación para o suposto de modificacións das delimitacións de núcleos rurais, así como as que afecten ás súas ordenanzas reguladoras.

Procedemento simplificado

1. SOLICITUDE DE INICIO

O órgano municipal competente remitirá ao órgano ambiental a solicitude de inicio da avaliación ambiental estratéxica simplificada, á que achegará un borrador do expediente de delimitación proposto e un documento ambiental estratéxico, co contido establecido na lexislación vixente.

O borrador será un documento que conteña, cando menos, as liñas esenciais do planeamento e permita debater os seus criterios, obxectivos e solucións xerais.

O documento ambiental estratéxico terá, como mínimo, o contido que establece o artigo 29 da Lei 21/2013 de avaliación ambiental.

A documentación (escrita e gráfica) deberá estar adaptada ás Normas técnicas de planeamento urbanístico de Galicia. Non obstante¹, en relación coa aplicación do título II da Orde do 10 de outubro de 2019 de aprobación das Normas técnicas de planeamento urbanístico de Galicia, seralles de aplicación unicamente cando o plan xeral que desenvolvan xa estea adaptado a el; sen prexuízo disto, para a súa elaboración empregárase como soporte a cartografía oficial rexistrada dispoñible no Instituto de Estudos do Territorio, actualizada ou detallada para o ámbito afectado, cando sexa preciso.

2. CONSULTAS PREVIAS

O órgano ambiental someterá a documentación completa recibida ás consultas das administracións públicas afectadas e das persoas interesadas, que se pronunciarán no prazo máximo de 30 días hábiles.

Ao mesmo tempo, o órgano ambiental -co obxecto de favorecer a transparencia e a participación pública- fará público borrador do expediente de delimitación e o documento ambiental estratéxico no portal web para que o público en xeral poida achegar observacións e suxestións de contido ambiental.

3. INFORME AMBIENTAL ESTRATÉXICO (IAE)

Tras o remate do período de consultas previas, o órgano ambiental formulará o informe ambiental estratéxico no que determinará se o plan ten ou non efectos significativos no medio:

¹Punto 3 da disposición transitoria primeira da Orde do 10 de outubro de 2019.



- No caso de prever efectos ambientais significativos, o expediente de delimitación deberá someterse ao procedemento ordinario de avaliación ambiental estratéxica e o órgano ambiental elaborará o documento de alcance do estudo ambiental estratéxico.
- De non prever efectos ambientais significativos, o procedemento ambiental remata e o expediente de delimitación poderá aprobarse nos termos que o propio IAE estableza.

O prazo para formular o informe ambiental estratéxico é de tres meses desde a recepción da solicitude de inicio e da documentación completa que se deba xuntar (artigo 35.2.b L9/2021). O informe ambiental estratéxico farase público no *Diario Oficial de Galicia* e no portal de internet do órgano ambiental.

O informe ambiental estratéxico perderá a súa vixencia e cesará na produción dos seus efectos se non se aproba o plan ou programa no prazo máximo de seis anos desde a súa publicación no *Diario Oficial de Galicia*. En todo caso, o órgano ambiental poderá acordar unha prórroga da vixencia do dito informe ambiental estratéxico por outro prazo máximo de dous anos (artigo 35.2.c L9/2021).

Avalicación ambiental estratéxica de delimitacións de solo de núcleo rural

(Lei 2/2016, do 10 de febreiro, do solo de Galicia; Decreto 143/2016, do 22 de setembro, polo que se aproba o Regulamento da Lei 2/2016, do 10 de febreiro, do solo de Galicia; Orde do 10 de outubro de 2019 de aprobación das Normas técnicas de planeamento urbanístico de Galicia; Lei 9/2021, do 25 de febreiro, de simplificación administrativa e de apoio á reactivación económica de Galicia)

FASE	OBXECTIVOS	DOCUMENTOS	RESPONSABLE	DIRIXIR A	PRAZO	PUBLICACIÓN
SOLICITUDE DE INICIO	Comunicar ao órgano ambiental o inicio da tramitación da delimitación	- Solicitud de inicio do procedemento de AAE simplificada - Borrador do expediente de delimitación - Documento ambiental estratéxico	Órgano municipal competente	Órgano ambiental ²		
CONSULTAS PREVIAS	Consultar sobre as repercusións ambientais da delimitación	- Borrador do expediente de delimitación - Documento ambiental estratéxico	Órgano ambiental	Administracións públicas afectadas ³ , persoas interesadas e público en xeral	30 días hábiles	Portal web do órgano ambiental
INFORME AMBIENTAL ESTRATÉXICO	Determinar se o expediente de delimitación debe someterse ou non a unha avaliación ambiental ordinaria en función dos efectos ambientais previstos	Non se prevén efectos ambientais significativos: Informe ambiental estratéxico	Órgano ambiental	Concello	3 meses (dende a recepción da documentación completa)	Diario oficial e portal web do órgano ambiental
		Prevenirse efectos ambientais significativos ⁴ : - Informe ambiental estratéxico - Documento de alcance do estudo ambiental estratéxico				

² Dirección Xeral de Calidade Ambiental, Sostibilidade e Cambio Climático (Consellería de Medio Ambiente, Territorio e Vivenda)

³ Entre os órganos que haberá que consultar estará o competente en materia de urbanismo.

⁴ Neste caso continuarase coa tramitación do procedemento de avaliación ambiental ordinaria.